



REPUBLIKA E SHQIPËRISË
ZYRA E INSPEKTORIT TË LARTË TË DREJTËSISË
INSPEKTORI I LARTË I DREJTËSISË

Nr. Prot 2460

D. 26.10.20

VENDIM

Nr. 56, datë 26. 10.2020

PËRFUNDIMIN E PROCEDURËS SË VERIFIKIMIT, VLERËSIMIT, PIKËZIMIT DHE RENDITJES SË KANDIDATURËS SË ZOTIT ARDIT ÇELA, PËR SHKAK TË TËRHEQJES NGA KANDIDIMI PËR INSPEKTOR JO-MAGJISTRAT

KOMITETI I EMËRIMIT EDHE VLERËSIMIT TË INSPEKTORËVE i përbërë nga :

Artur Metani - Kryetar
Mirela Kapo - Anëtare
Marsela Pepi- Anëtare

Asistuar nga sekretare Adela SKORA,

në mbledhjen e datës 26.10.2020, mori në shqyrtim çështjen që i përket:

**KANDIDATJA PËR INSPEKTOR
JO - MAGJISTRATË :**

ZOTI ARDIT ÇELA

OBJEKTI:

Përfundimi i procedurës së verifikimit lidhur me kandidimin për Inspektor Jo magjistrat

KOMITETI PASI :

U njoh me aktet si edhe bisedoi çështjen në tërësi,

VËREN:

I. Rrethanat e çështjes

1. Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 “Për organet e qeverisjes së sistemit të drejtësisë”, të ndryshuar, pikës 3 dhe 77, të Vendimit Nr. 536, datë 25.07.2019, të Këshillit të Ministrave “Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, Urdhrit Nr. 7, datë 04.03.020, të Inspektorit të Lartë të Drejtësisë, “Për miratimin e Rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë”, në datë 07.02.2020, ka vendosur fillimin e procedurës përzgjedhëse të kandidatëve jomagjistratë që kanë shprehur interes për pozicionin e inspektorit, pranë Zyrës së Inspektorit të Lartë të Drejtësisë.

2. Në përfundim të procedurës së aplikimeve për shprehjen e interesit për kandidim datë 02.03.2020, Inspektori i Lartë i Drejtësisë nëpërmjet Njoftimit për Media në faqen zyrtare ka bërë publike listën e kandidatëve që kanë shprehur interes për këtë vend vakant, duke filluar shqyrtimin e aplikimeve të kandidatëve të shoqëruara me dokumentet e paraqitura prej tyre për përmbushjen e kushteve dhe kriterëve ligjore të përcaktuara në nenin 209 dhe nenit 211, pika 2 të ligjit nr. 115/2016 “Për organet e qeverisjes së sistemit të drejtësisë”.

3. Ndërmjet kandidatëve që kanë shprehur interesin për plotësimin e këtij vendi vakant për Inspektor Jomagjistratë pranë zyrës së Inspektorit të Lartë të Drejtësisë, është edhe zoti ARDIT CELA. Konkretisht kërkesa e kandidatit për shprehje interesi mban nr. Prot, 423 datë 02.03.2020.

4. Në mbështetje të nenit 147/d e vijues, të Kushtetutës së Republikës së Shqipërisë, Kreut IV dhe nenit 283, të Ligjit nr. 115/2016 “Për Organet e Qeverisjes së Sistemit të Drejtësisë”, të ndryshuar, Vendimit Nr. 536, datë 25.07.2019, të Këshillit të Ministrave “Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, Urdhrit Nr. 7, datë 04.03.020, të Inspektorit të Lartë të Drejtësisë, “Për miratimin e Rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë”, Inspektori i Lartë i Drejtësisë në datën 07.02.2020, vendosi fillimin e procedurave të verifikimit, vlerësimit, pikëzimit dhe renditjes të kandidatëve që kanë shprehur interesin për vendin vakant për Inspektor i Lartë i Drejtësisë.

5. Lidhur me procedurën e ndjekur për vendet vakante të krijuar për Inspektor jo magjistratë , nga Inspektori i lartë i Drejtësisë , në zbatim të nenit 209 dhe 211 të Ligjit nr. 115/2016 dhe të pikave 3 dhe 77, të Vendimit Nr. 536, datë 25.07.2019, të Këshillit të Ministrave “Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, Urdhrit Nr. 7, datë 04.03.020, të Inspektorit të Lartë të Drejtësisë, “Për

miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", është përcaktuar axhenda që lidhet me rradhën e shqyrtimit të kandidaturave.

6. **Zoti ARDIT ÇELA**, si një ndër kandidatët që ka shprehur interesin për vendin vakant të sipërcituar për Inspektor, në mbështetje të nenit 209 dhe 211, pika 2 e ligjit nr. "115/2016 "Për organet e qeverisjes së sistemit të drejtësisë", të ndryshuar, pikë 3 dhe 77 të vendimit nr. 536 datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", është njoftuar, për tu paraqitur pranë zyrës së Inspektorit të Lartë të Drejtësisë, për të vijuar me përmbushjen e procedurave të verifikimit të kandidaturës. Njoftimi me shkrim, i kryer në rrugë elektronike në datën 23.04.2020, në adresën e deklaruar nga vetë **kandidati Zoti ARDIT ÇELA**, gjendet e administruar në dosjen e kandidatit.

7. Në vijimësi të procesit, kandidati **Zoti ARDIT ÇELA** është njoftuar për tu paraqitur pranë Zyrës së Inspektorit të Lartë të Drejtësisë dhe për tu pajisur me formularët e deklarimit dhe autorizimet që duhet të plotësohen për qëllimet e vijimit të procedurës së verifikimit të kandidaturës së tij. Kryerja e kësaj procedure (në rrugë elektronike) vërtetohet nga email-i përkatës dhe i konfirmuar edhe nga përgjigja e vetë kandidatit po me email, e cila gjendet e administruar në dosjen e kandidatit. Përgjigja është e datës 24.04.2020, ora 01.20 PM. Rezulton se kandidati është paraqitur pranë Zyrës së Inspektorit të Lartë të Drejtësisë me qëllim tërheqjen e formularëve sipas ligjit dhe akteve nënligjore. Ai ka tërhequr këto formularë përkundrejt nënshkrimit në datën 27.04.2020. Zyra e Inspektorit të Lartë të Drejtësisë ka marrë në dorrëzim formularët sipas ligjit të paraqitur nga ana e kandidatit Ardit Cela në datë 06.05.2020.

8. Kandidati **Zoti ARDIT ÇELA** në datë 01.06.2020 ka paraqitur një kërkesë drejtuar "Inspektorit të Lartë të Drejtësisë lidhur me pranimin e dorrëzimit të dokumentacionit." Në thelb kjo kërkesë i drejtohet zyrës së Inspektorit të Lartë të Drejtësisë me qëllim pranimin e "Deklaratës së pasurisë dhe interesave private" që vetë I.L.D.K.P.K-ja nuk ja kishte pranuar pasi dorrëzimi i kësaj deklarate ishte bërë jashtë afatit ligjor pranë këtij institucioni. Kandidati justifikon vonesën ndër të tjerash me argumentin se "...si subjekt i ri është hera e parë që plotësoj një deklaratë të tillë".

9. Në vendimin nr. 536 datë 25.7.2019 që lidhet me "Krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit" në pikën 38 përcaktohet qartazi se: "Jo më vonë se 30 (tridhjetë) ditë nga marrja në dorëzim e formularit të deklarimit të pasurisë, kandidati jomagjistratë dorëzon atë të plotësuar pranë ILDKPKI-së, së bashku me dokumentacionin justifikues/shoqërues. Deklarimi bëhet sipas përcaktimeve të neneve 3/1, 4, pika 2 e vijues të ligjit nr. 9049, datë 10.4.2003, "Për deklarimin dhe kontrollin e pasurive, të detyrimeve financiare të zgjedhurve dhe të disa nëpunësve publikë", të ndryshuar. "

10. Në rastin në shqyrtim, kandidati Ardit Cela, nuk e ka depozituar pranë ILDKPKI-së “Deklaratën e pasurisë dhe interesave private” sipas përcaktimeve nënligjore të mësipërme. Por e ka depozituar këtë deklaratë , jashtë afatit ligjor (sikundër e pranon edhe vetë kandidati), pranë zyrës së Inspektorit të Lartë të Drejtësisë , ndërkohë që përcaktimet nënligjore janë të qarta lidhur me këtë pjesë , për sa i përket afateve dhe modaliteteve të dorrëzimit. (akti nën ligjor është publikuar dhe në faqen zyrtare të institucionit).

11. Nëpërmjet shkresës me nr. Prot. 1943/15 datë 17.09.2020 nga ana e Inspektoratit të Lartë të Deklarimit dhe Kontrollit të Pasurive dhe Konfliktit të Interesave”, I.L.D.K.P.K.I-së , njoftohemi se kandidati Ardit Çela nuk e ka dorëzuar pranë këtij institucioni deklaratën e pasurisë dhe interesave private.

12. Në lidhje me rastin dhe situatën e kandidatit ARDIT ÇELA, në vendimin nr. 536 datë 25.7.2019 që lidhet me “Krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit”, në pikën 21 të tij, parashikohet se :

“21. Në rastin kur, në përfundim të afatit të njoftimeve sipas pikave 15 deri 20 të këtij vendimi, kandidati jomagjistrat nuk paraqitet, nuk i përgjigjet njoftimeve të Inspektorit, nuk paraqet dokumentacionin e kërkuar ose nuk parashtron shpjegime me shkrim për gjetjet e procedurës së verifikimit, Inspektori procedon me përgatitjen e relacionit mbi gjendjen e faktit dhe problemet ligjore të konstatuara.”

13. Në përfundim të njohjes së anëtarëve me materialet që përmban dosja e kandidatit ARDIT ÇELA, në zbatim të pikës 20 dhe 23 të Vendimit nr. 536 datë 25.07.2019 që lidhet me “Krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit”, është proceduar me përgatitjen e relacionit përkatës mbi gjendjen e faktit dhe të ligjit të zbatueshëm, si dhe për shqyrtimin e kërkesës së kandidatit, duke kaluar çështjen për shqyrtim në mbledhjen e Komitetit.

14. Në zbatim në tërësi të Vendimit nr. 536 datë 25.07.2019 që lidhet me “Krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit” dhe në mënyrë të vecantë, në pikën 29 të tij ku parashikohet në mënyrë eksplicite se “Inspektori vendos ndalimin e kandidimit edhe në rastet kur, pas njoftimeve të tij gjatë procedurës së verifikimit, kandidati jomagjistrat përsëri nuk i përmbush detyrimet për paraqitjen ose plotësimin e deklaratave, të autorizimeve dhe të dokumentacionit lidhur me kushtet dhe kriteret e tjera ligjore të kandidimit, të parashikuara nga ligji”... , Kryetari ka thirrur mbledhjen e Komitetit duke njoftuar anëtarët për zhvillimin e saj në datën 26.10.2020, rendin e ditës, si edhe duke i bashkëlidhur njoftimit materialet e çështjes. Në rendin e ditës është përfshirë edhe çështja me objekt **ndalimin e kandidimit të zotit ARDIT ÇELA**, për vendin vakant për Inspektor, të shpallur nga Inspektori i Lartë i Drejtësisë , në datën 07.02.2020.

15. Sikundër u tha më sipër, nga aktet rezultojn se zoti ARDIT ÇELA, nuk e ka depozituar pranë I.L.D.K.P.K.I-së “Deklaratën e pasurisë dhe interesave private” sipas përcaktimeve nënligjore të mësipërme. Por e ka depozituar këtë deklaratë, jashtë afatit ligjor (sikundër e pranon edhe vetë kandidati), pranë zyrës së Inspektorit të Lartë të Drejtësisë, ndërkohë që përcaktimet nënligjore janë të qarta lidhur me këtë pjesë, për sa i përket afateve dhe modaliteteve të dorësimit.

16. Në mbledhjen e Komitetit, pasi secili prej anëtarëve u njoh me aktet e administruara në fashikullin që lidhet me kandidimin e zotit ARDIT ÇELA si dhe pasi bisedoi çështjen në tërësi, u arrit në konkluzionin se:

Vlerësimi i Komitetit të Emërimit dhe Vlerësimit të Inspektorëve:

17. Komitetit i emërimit dhe vlerësimit të Inspektorëve, duke pasur parasysh dispozitat ligjore dhe ato nënligjore normative të sipërcituara si dhe bazuar në gjëndjen që janë aktet që lidhen me ndjekjen e procedurave për vendin vakant për Inspektorët Jomagjistrat të shpallur nga ana e Zyrës së Inspektorit të Lartë të Drejtësisë, në datën 07.02.2020, vlerëson se duhet të procedojë me vendim për përfundimin e procedurës së verifikimit, vlerësimit, pikëzimit dhe renditjes së kandidatit **ARDIT ÇELA**.

18. Në pikën 2 të nenit 211 të Ligjit nr. 115/2016 “Për organet e qeverisjes së sistemit të drejtësisë” parashikohet se:

“2. Inspektorët e tjerë emërohen nga Inspektori i Lartë i Drejtësisë në bazë të një procedure përzgjedhëse dhe konkurruese të hapur dhe të planifikuar. Jo më vonë se 3 muaj nga krijimi i Zyrës së Inspektorit të Lartë të Drejtësisë, Inspektori i Lartë miraton rregulla më të hollësishme për procedurën e përzgjedhjes, konkurrimit dhe emërimit të inspektorëve jomagjistratë. Rregullat e miratuara nga Inspektori i Lartë i Drejtësisë zbatohen, për aq sa është e mundur, me rregullat e ligjit “Për nëpunësin civil”.”.

19. Në zbatim të nenit 209 të Ligjit nr. 115/2016 “Për organet e qeverisjes së sistemit të drejtësisë”, në përfundimit të afatit të caktuar të shpalljes “Për fillimin e procedurës së përzgjedhjes në Pozicionin Vakant Inspektor jo magjistratë pranë Inspektorit të Lartë të Drejtësisë”, Komitetit të Emërimit dhe Vlerësimit të Inspektorëve, pasi ka administruar dokumentacionin e kandidatëve që kanë shprehur interes për këtë pozicion, ka filluar në datën 23.04.2020 procedurën e verifikimit të kandidaturave për plotësimin e kushteve dhe kriterëve të kandidimit që parashikohen nga Kushtetuta dhe ligji.

Në vendimin nr. 536 datë 25.7.2019 që lidhet me “Krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit”, në pikën 29 të tij, parashikohet se :

“ Inspektori vendos ndalimin e kandidimit edhe në rastet kur, pas njoftimeve të tij gjatë procedurës së verifikimit, kandidati jomagjistratë përsëri nuk i përmbush detyrimet për

paraqitjen ose plotësimin e deklaratave, të autorizimeve dhe të dokumentacionit lidhur me kushtet dhe kriteret e tjera ligjore të kandidimit, të parashikuara nga ligji”...

20. Komiteti i Emërimit dhe Vlerësimit të Inspektorëve, në zbatim të drejtë të dispozitave ligjore dhe atyre nënligjore normative të zbatueshme në rastin kur ... *kandidati jomagjistrat nuk paraqitet, nuk i përgjigjet njoftimeve të Inspektorit, nuk paraqet dokumentacionin e kërkuar ose nuk parashtron shpjegime me shkrim, vlerëson të rregullt procedurën e ndjekur deri tani për verifikimin e kandidaturës së kandidatit ARDIT ÇELA. Kandidati është njoftuar rregullisht për fillimin e kësaj procedure dhe nuk ka paraqitur dokumentacionin e kërkuar lidhur me sa është shpjeguar më sipër.*

21. Cdo formë komunikimi gjendet i administruar në dosjen e kandidatit.

22. Komiteti vlerëson të rregullt në aspektin e qartësisë së dokumentacionit të administruar në dosjen që lidhet me kandidatin ARDIT ÇELA.

23. Komiteti vlerëson që shprehja e interesit dhe kandidimi për plotësimin e vendeve vakante që krijohen për Inspektor jo magjistratë pranë Inspektorit të Lartë të Drejtësisë është një e drejtë, e cila ushtrohet nga kandidatët ekskluzivisht mbi vullnetin individual të tyre, duke **respektuar procedurat, kushtet dhe kriteret e kandidimit që parashikon ligji dhe aktet nënligjore.**

24. Në rast se personi që kandidon, në çdo kohë e gjendje të procedimit, nuk mer përsipër angazhimin për të shprehur vullnetin si dhe nuk vijon procedurat që lidhen me kandidimin për plotësimin e vendit vakant që krijohet për Inspektor jo magjistratë pranë Inspektorit të Lartë të Drejtësisë, atëherë nuk ka më vend të vijnë procedurat e verifikimit, vlerësimit, pikëzimit dhe renditjes së kandidaturës, të parashikuara nga ligji dhe aktet nënligjore të nxjerra në bazë e për zbatim të tyre.

PËR KËTO ARSYE:

Në mbështetje të në mbështetje të nenit 209 dhe nenit 211, pika 2, të ligjit nr. 115/2016 “Për organet e qeverisjes së sistemit të drejtësisë”, të ndryshuar, pikës 23-30, të Vendimit Nr. 536, datë 25.07.2019, të Këshillit të Ministrave “Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, Urdhrit Nr. 7, datë 04.03.2020, të Inspektorit të Lartë të Drejtësisë, “Për miratimin e Rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë”, Komiteti i Emërimit dhe Vlerësimit të Inspektorëve,

VENDOSI:

1. Përfundimin e procedurës së verifikimit, vlerësimit, pikëzimit dhe renditjes së kandidaturës së zotit ARDIT ÇELA, për sa më sipër.

2. Në zbatim të pikës 7 të vendimit nr. 536 datë 25.07.2019 që lidhet me “Krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjorë, verifikimin e figurës dhe të pasurisë së kandidatëve jomagjistratë për pozicionin e Inspektorit”, ky vendim i njoftohet kandidatit ARDIT ÇELA.

3. Ky vendim publikohet në faqen zyrtare të Inspektorit të Lartë të Drejtësisë, konkretisht në faqen www.ild.al.

4. Kandidati ka të drejtën e ankimit në Gjykatën kompetente, brenda afatit ligjor.

ANËTARE

Marsela PEPI

ANËTARE

Mirela KAPO

KRYETARI

Artur METANI

